



Multiple Campeon Mundial, **Sarah Quita Offringa a tene charla pa alumnonan di EPB San Nicolas**



DIAMARS mainta e 17 bez Campeon Mundial di Windsurf, Sarah Quita Offringa a bin duna un charla na EPB San Nicolas. E orguyo di Aruba su deporte a bin conta e alumnonan con el a inicia n'e deporte di windsurf y logra su soñonan bira un realidad.

Por medio di un prestacion "powerpoint" e alumnonan a conoce e deporte y e diferente disciplinan cu Sarah Quita ta eherce durante tur su competencia bishita rond mundo.

Mas cu claro e competencia y titulongan mundial no a bay sin su sacrificio di su mes y sigur di su famia cu semper a para tras di su exitonan. Saraha Quita a pone hopi enfasis riba e combinacion estudio y deporte cu ta bay hunto esaki sigur pa un bon desaroyo y formacion como persona. Si tur dos bay segun planificacion y metanan poni bo por yega hopi leu den bida.

Na final tur mucha a aplaudi e presentacion di Sarah Quita y haya e oportunidad pa haci pregunta na cual Sarah Quita a contesta tur. Tambe e alumno y docentenan a saca potret p'asina keda cu un bunita recuerdo. Director di EPB San Nicolas, sr. [Gregory Mathilda](#) den presencia di Unit Manager di Startjaar, sra. [Esactherine Helder](#) a otorga dos bunita obsekio na Sarah Quita Offringa como muestra di aprecio pa su bunita trabou desplega pa nos comunidad y fungi como un ehempel pa nos muchanan.

